

## **Fijian - Vakabula na Mate Vola Tabu - Free from Death Scriptures**

**Roma 6:23 Ni sa kena i sau ni valavala ca na mate, ia sa i solisoli walega ni Kalou na bula sega ni mudu, e na vuku i Jisu Karisito na noda Turaga.**

**Roma 8:2 Ni sa sereki au mai na vunau ni valavala ca kei na mate, na vunau ni Yalo i Karisito Jisu o Koya sa bula.**

**2 Timotci 1:10 la ka sa sega ni rawa me tabonaki, sa yaco ga mai na noda i vakabula o Jisu Karisito, sa mai vakaoti mate vakadua ka solia na bula kei na sega ni mate rawa ena rarama ni tukutuku vinaka,**

**Jope 5:2 Ni sa vakamatea na tamata lialia na cudru kaukauwa, ia sa vakarusai koya sa sega ni vuku na vuvu.**

**Osea 13:14 "Au na vakabulai ira mai na kaukauwa ni bulubulu; ka vakabulai ira na mate. O iko mate, ena nomu dauveivakararawataki! O iko bulubulu E vei nomu dauveivakarusai! Ena yali na loloma mai mataqu."**

**Same 9:13 I Jiova mo Ni yalololoma mai! O Ni sa kila na nodra vakaleqai o ira sa cati au o Ni sa keveti au cake mai na matamata ni mate,**

**Jope 6:26 Dou nanuma beka mo dou vunaucna noqu vosa, kei na nona vosa e dua e lomaleqa tu, ni sa vaka na cagi?**

**Jope 33:22 Io, na yalona sa toro voleka ki nai Keli, Kei na nona bula vei ira na dau-veivakamatei.**

**Isikeli 37:12,13 "O koya oqo mo parofisai kina ka tukuna vei ira, 'Sa tukuna vakaoqo na Kalou o Jiova: "Raica, Isa oi kemudou na Noqu tamata, Au na dolava na nomudoui bulubulu ka vakavuna mo dou lako cake mai na nomudou bulubulu, ka kauti. 13 "Dou na qai kila ni sai Au o Jiova, Ni'u a dolava na nomudoui bulubulu, Oi kemudou na Noqu tamata, ka kauti kemudou cake mai na nomudoui bulubulu.**

**Maciu 27:52 Sa tadola na veibulubulu; ka lewe levu na tamata yalododonu era moce tu sa vakaturi cake tale;**

**Vakatekivu 2:7 Na Kalou o Jiova sa bulia na tamata mai na kuvu ni soso mai na qele ka solia nai cegu ni bula ki na ucuna; sa qai yaco me dua na ka bula na tamata.**

**Vakatekivu 6:17 "Mo kila, oi Au na kauta mai na waluvu levu e vuravura, me vakarusai kina na yago vakalewe kece e ruku i lomalagi, sa tiko vei ira na i cegu ni bula, kei na ka kecega sa bula e vuravura, e na mate.**

**Vakatekivu 7:15 Era sa lako ki na waqa vei Noa, yarurua kei na ka kecega sa tiko e ucuna nai cegu ni bula.**

**Vakatekivu 7:22 Na veika kecega sa tiko kina nai cegu ni bula ena ucudra, na veika kece sa tiko ena vanua mamaca, era sa mate.**

**Jope 12:10 Sa tiko e ligana na nodra bula na ka kecega sa bula, Kei nai cegu ni tamata kecega?**

**Jope 33:4 Na Yalo ni Kalou e buli au, Kei nai cegu i Koya sa Kaukauwa e**

**solia vei au na bula.**

**Cakacaka 17:25 E sega ni qaravi o Koya ena ka e bulia na tamata e ligana, ni sega vua na leqa, o koya ga e solia tiko na bula, na cagi meda ceguva kei na ka kecega.**

**Vakatakila 13:15 Sa tu vua na kaukauwa me solia nai cegu ki vua nai vakatakarakara ni manumanu, na i vakatakarakara ni manumanu oqo e rawa ni vosa kaukauwa, ka rawa talega vua me veivakamatei kevaka era sega ni via cuva vua.**

**Joni 10:10 Sa lako mai na daubutako me butako, me vakamatea, ka me vakarusa sara, Au sa lako mai me ra rawata na bula, me rawati vakalevu sara.**

**Aisea 28:15 Baleta ni dou sa tukuna, "Keitou sa veiyalayalati oti kei mate, kei bulubulu keitou sa veidinadinati tu. Ni sa lako mai na ca ena vuabale, ena sega ni yacovi keitou, me keitou sa cakava na lasu me i drodro, ka vunitaki keitou ena lawaki."**

**Aisea 28:18 Na nomudou veiyalayalati kei mate ena sega ni dei, kei na nomudou veidinadinati kei bulubulu ena sega ni vakayacori; ena gauna sa vuabale mai kina na ca dou na qai vakabalei sobu.**

**Aisea 5:24 O koya oqo ena kama kina na vuni sila, ena yameyame ni buka ka sa yavu sara na co, ni sa caucaudre ena vuca sara vaka kina na wakadra, ia na sedra ena vuka cake me vaka na kuvu ni soso, baleta ni ra sa vakanadakuya na i vunau nei Jiova ni lewe vuqa, ka beca na vosa nei Koya na le Dua.**

**Joeli 1:12 Sa tekivu mira sobu na vaini; na vuni lolo sa malai; na vuni pomekareneti, na vuni balabala, kei na wi — na kau ni vanua kece sa malai sobu; ka na yali talega na reki vei ira na luve ni tamata.**

**Osea 13:15 Ena valuti o koya vei ira na wekana, ena lako mai na cagi Tokalau; ena lako mai na cagi i Jiova mai na vanua dravuisiga, ena mamaca kina nonai keli wai, ena vakamacara vakadua na i vurevure ni wai. Ena vakacacana o koya na vale ni yaya kecega sa daudomoni.**

**Vakatakila 22:1 Sa qai vakaraitaka mai vei au o koya, na uciwai ni bula sa savasava ka makare dina, me vaka na karisitala, sa drodro tiko mai ena i tikotiko ni Kalou kei na Lami.**

**Joni 4:10**

**Joni 4:14**

**Vakaibalebale 13:14 Na nona i vunau na yalomatua sa i vurevure ni bula, mo lako tani kina mai nai cori ni mate.**

**Vakaibalebale 14:27 Na rerevaki Jiova, sai koya nai vurevure ni bula, me da dro tani mai nai cori ni mate.**

**Isikeli 13:17-23 "E vaka kina, na luve ni tamata, mo vaqara na matamu vei ira na goneyalewa ni kai nomu, era parofisai mai na lomadra ga; mo parofisaitaka na ca vei ira, 18 "Ka kainaka, 'Sa tukuna vakaoqo o Jiova na Kalou, "Ena ca o ira na yalewa era daucula nai vakatakilakila ni dau-**

**vakadraunikau e na liga ni nodra i sulu, ka cakava nai sala ni ulu vei ira na tamata kecega e na kedra dui balavu me ra vakasasa yalo kina! Dou na vakasasataka li na yalodra na Noqu tamata, ka dou na maroroi kemudou mo dou bula? 19 "Dou na vakacacani Au beka ena kedra maliwa Na noqu tamata e na vuku ni dua nai qaluku parile kei na so na tiki ni madrai, ka vakamatei ira na tamata e sega ni dodonu me ra mate, ka vakabulai na tamata e sega ni dodonu me ra bula, e na nomudou lasutaki ira na Noqu tamata ka ra vakarorogo ki na lasu?" 20 'O koya oqo sa tukuna kina o Jiova na Kalou: "Raica, Au sa cata na nomudoui vakatakilakila ni vakadraunikau dou sa vakasasa yalo kina maikeia me vaka na manumanu vuka. Au na dresuka tani mai na ligamudou, ka sereki ira na yalo me ra lako, na yalodra dou sa vakasasataka me vaka na manumanu vuka. 21 "Au na dresulaka talega na nomudoui sala, ka vakabulai ira na Noqu tamata mai na ligamudou, ka ra na sega ni tiko tale e na ligamudou me ra vakasavi; ia dou na kila ni sai Au o Jiova. 22 "Ka ni dou a vakararawataka na lomana na yalododonu e na nomudou lasu, ia oi Au, ka'u a sega ni vakararawataka; ka dou sa vakaukauwataka na ligana na tamata ca, me kakua ni lesu mai o koya mai na nonai valavala ca, ni dou sa yalataka vua na bula. 23 "Ia dou na sega kina ni raica tale na ka wale; ka dou na sega talega ni cakava na ka mana lasu: ni'u na kaliraki ira na noqu tamata mai na ligamudou: ia dou na kila ni sai au o Jiova."'"**

**Jeremaia 21:8 "Ia vei ira na tamata oqo mo tukuna, 'Sa tukuna vakaoqo o Jiova; "Raica, Au sa vakaraitaka vei kemudou na sala ni bula, kei na sala ni mate.**

**Jope 34:22 Sa sega na butobuto, se na yaloyalo ni mate, Me ra vunitaki ira kina na daucaka ca.**

**Same 16:10 O Ni na sega ni vakarusai au se vakatara meu raica na veivakacacani, ni'u sa nanumi ka tabu.**

**Same 23:4 E dina ni'u sa lako ena buca ni yaloyalo ni mate, au na sega ni rerevaka na ca; ni kemuni sa tiko vata kei au, ena vakacegui au na Nomuni titoko kei na Nomuni matana ki lagi.**

**Same 30:3 I Jiova, o Ni sa vakabula na yaloqu mai nai bulubulu; o Ni sa vakabulai au tiko, me'u kua ni lako sobu ki na qara.**

**Same 49:15 Ia, na Kalou ena vakabula na yaloqu mai na kaukauwa ni bulubulu, ni na tauri au o koya - Sela.**

**Same 56:13 O Ni sa vakabula na yaloqu, mai na mate. O Ni sa sega beka ni tarova na yavaqu me'u kua ni tacae, me'u lako voli kina ena mata ni noqu Kalou ena rarama ni bula?**

**Same 68:20 Na noda Kalou, sa Kalou ni veivakabulai, ki vua Na Kalou o Jiova, sa nona na dro mai na mate.**

**Same 89:48 Na tamata cava e rawa ni bula me sega ni raica na mate? E rawa beka vua me drotaka na kaukauwa ni bulubulu? Sela.**

**Same 102:19,20 Ni sa rai sobu mai o Koya mai na dela ni nona Vale Tabu,**

**mai Lomalagi sa vakaraici vuravura sobu mai na Kalou, 20 Me rogoca na domodra na kaivesu sa vutugu tiko, me ra sereki o ira sa lesi oti tu me ra vakamatei,**

**Same 116:8 O Ni sa vakabula na yaloqu mai na mate; Na mataqu mai na wai ni mata, na yavaqu me kakua ni bale.**

**Vakaibalebale 10:2 Na nodra i yau na tamata ca, sa sega ni yaga ena dua na ka, Ia, na yalododonu sa veisereki mai na mate.**

**Aisea 26:19 Ena bula o ira na nomu mate; e ra na tucake vata kei ira na noqu mate, yadra ka sere, o iko ka vaka i tikotiko ena kuvu ni qele; ni sa vaka na tegu ena co na nomu tegu kei na qele ena biuti ira tani na mate.**

**Joni 5:28,29 "Mo ni kua ni kidroa ena veika oqo, sa lako tiko mai na gauna ni o ira kece sa tu ena i bulubulu, era na rogoca na Domona, 29 "era na lako mai, vei ira sa caka vinaka ki na vakaturi cake tale ni bula, kei ira sa caka ca, ki na nodra vakaturi cake tale na vakararawataki.**

**Joni 10:28 "Au sa solia vei ira na bula e Segu ni mudu, me ra kakua ni rusa, se me dua e kauti ira tani mai na ligagu.**

**Joni 11:43,44 Ni sa tukuna tiko na veika oqo, sa kaci yani vakarogolevu,"Lasarusa lako mai!" 44 O koya sa mate oti - sa lako mai ni se vesuki tu ga na ligana kei na yavana ena i sulu ni veibulu, na uluna e se ubi tu ga ena i sulu, sa vosa yani o Jisu, mo ni sereki koya ka laiva me lako.**

**Joni 12:17 O ira na tamata sa tiko vata kei Koya ni sa kacivi Lasarusa mai nai bulubulu ka sa tucake mai na mate, sa vakadinadinataka na veika oqo,**

**Joni 17:2 "Ni Kemuni sa solia Vua na lewa kecega ena vuku ni ka vakayago kecega, me solia kina o Koya na bula Segu ni mudu vei ira kecega o ni sa solia vei Koya.**

**1 Koronica 15:19-26 Kevaka eda sa vakanuinui me yaga vei keda na Karisito ena bula oqo, eda sa qai vakaloloma vakalevu cake vei ira kecega na tamata. 20 Ia oqo na Karisito sa tucake mai na mate, ka sa yaco mei sevu ni tucake tale vei ira sa moce tu. 21 Ni sa qai vuni mate na tamata, sa qai vuni tucake tale mai na mate na tamata talega. 22 Ni sa qai mate kecega ena vuku i Atama, ena vakabulai kece talega ena vuku i Karisito. 23 Ia eda na dui muria ga nai tuvatuva: O Karisito sa kenai sevu, era na muri o ira sa tu vata kei Karisito ena nona na rairai mai. 24 Ni oti o ya sa qai yaco nai vakataotioti, ena solia lesu na matanitu ni Kalou vei tamana, ni sa vakarusai tauoko na vei vuni kaukauwa, na lewa kecega, kei ira sa lewa. 25 Ena qai yaco o koya me vakatulewa, ni ra sa vakamalumalumutaki tauoko na kena meca mera tu ena ruku ni yavana. 26 Na kena meca mena qai vakarusai taudua e muri oqori o mate.**

**2 Koronica 1:9,10 Io, sa tau oti na keitou i totogi me keitou mate, ia keitou sega ga ni via nuitaki keitou vaka i keitou, keitou sa nuitaka ga na Kalou, o Koya sa vakaturi ira cake na mate. 10 O Koya, sa vakabulai keitou mai**

**nai sole ni mate, ia sa vakabulai keitou; ena tu ga vua na neitou  
vakanuinui ni o Koya ga ena vakabulai keitou tiko,**

**2 Koronica 3:6 O koya ga sa vakayacori keitou me keitou sa i vota mate ni  
veiyalayalati vou, sa sega ni ka e volai ia ena yalona ga; na vosa volai sa  
ka mate, ia na Yalo ni Kalou sa solia na bula.**

**Kolosa 1:21,22 Oi kemudou, dou a sega sara tu ga ni wili me dua na ka ena  
vuku ni nomudou i valavala ca, o Koya sa qai cakava na veivosovosoti mo  
dou ciqomi kina. 22 Ena nona soli Koya me mai mate, me cabori kemudou  
kina e mata i Tamana ni dou sa savasava tu ka sega ni cala.**

**Iperiu 2:9 Eda sa raici Jisu ga, o koya sa caka me lailai sobu ga mai vei ira  
na agilosi, na rarawa ni mate sa vakaisalataki ena i ukuuku kei na  
vakarokoroko, me rawa kina Vua ena loloma ni Kalou me tovolea kina na  
mate ena vukudra kece na tamata.**

**Iperiu 2:14,15 Ena veigauna ni ra sa vakaitavi na gone ena lewe kei na dra,  
sa vakaitavi talega kina o Koya, ena mate, sa vakarusai kina o koya sa tu  
vua na kaukauwa ni mate, o ya na tevoro, 15 Ka sereki ira kina o ira sa  
vesuki tu ena kaukauwa ni rerevaka na mate ena nodra bula taucoko.**

**Iperiu 11:5 Ena vakabauta "sa kau bulabula yani kina oinoke ka sa sega ni  
raica na mate, sa sega ni laukune o koya baleta ni sa kauti koya na  
Kalou," ni se bera ni kau yani, sa tu ga vua nai vakadinadina ni sa  
vinakati koya na Kalou.**

**1 Pita 3:18 Sa vakararawataki oti o Karisito ena vuku ni valavala ca, o koya  
na yalododonu ena vuku ni sega ni yalododonu; me tuberi keda lesu vua  
na Kalou, ni sa vakamatei na yagona, ia sa bula na yalona.**

**2 Pita 1:3 Ni sa solia mai vei keda o Koya ena nona kaukauwa vaKalou na ka  
kecega sa yaga ena noda bula vakayago kei na noda bula vakayalo  
talega, ni da kilai Koya sa kacivi keda kina vanua vakaiukuuku kei nai  
valavala vinaka kecega.**

**1 Joni 3:14 Ka me da kila ni da sa vakaleeci tani mai na mate kina bula, me  
da lomani ira na veiwekani ka o koya e sega ni lomana na wekana sa tiko  
ga ena mate.**

**1 Joni 5:11 Oqo nai tukutuku: sa solia vei keda na Kalou, o ya na bula e sega  
ni mudu, ia na bula oqo sa tu vua na luvena.**

**Vakatakila 21:6 A sa cavuta vei au, "Sa caka oti! Oi au na Alifa kei na  
Omeka, na i Vakatekivu ka kena i Vakataotioti. Na vurervure ni wai ni  
bula, Au na solia walega vei koya sa karamaca dina.**